

Wulf Wagers wunderliche Weltbetrachtung

Digitale Data-Diebe

Irgendwie werd i da Eidruck net los, dass onser Regierung ond nahezu älle Inschdiduziona möglichschd viel von mir wissa ond speichra wellat. Alloi, was auf denne kloine Plaschtikkärtla an mehr oder weniger Wissenswertem über mi gspeichert ischt, ischt o'glaublich. Des wär friher ohne Combjudr gar net meglich gwäa. Do muasch bloß aufpassa, dass de emmr 's richtige Kärtle hergibisch.

Neulich war i auf dr Bank ond han Geld hola wella. Drbei han i aus Verseha 's falsche Kärtle en da Schlitz g'steckt. Dodruf hot der Automat folgende Anzeige auf em Bildschrim brocht: Sie haben eine fortschreitende Leberzirrhose und sollten dringend



den Fußpilz zwischen großem und Zeigezeh' behandeln. Hey Leutla, do war i echt g'schockt. Ond wo i no am Dag später bei meim Arzt war, hot dr 's Heula agfanga, wo er mein Kontostand gsäh hot. Dem han i offenbar au a falschs Kärtle gäba.

Seither pass i auf, wem i was anvertrau. Jeder will oifach Data von mir speichra. Au dr Schäuble. A halbs Jahr lang werdat seit erschda Januar alle Telefonge-

spräche von älle Keutjetzt gspeichert. Oh, Leutla, dia Combjudr hend ons wo na brocht, wo i han niemals na wella. Mir send echt combjudrgeschädigt.

Wodran mr erkennt, dass mr combjudrgeschädigt ischt, wellat Sie wissa? Ganz oifach: Wenn mr sich noch em Rasiera mit seim Combjudr streitet, wer die meischte Schnittstella hot!

Letschtendlich send Combjudr drzu da, Probleme zu lösa, die mir ohne sie gar net hätät.

Bis näggschd Woch'

Ihr

Wulf Wager